

PREMIO PA E MIHOR STUDIANTE DI ECONOMIA

Studiantenan cu ta resalta

ORANJESTAD– Aña aki a tuma lugar na Universidad di Aruba e evento di entrega di premionan pa e mihor studiantenan di e estudio di Economia di parti CATC.

Tur aña Caribbean Accounting & Tax Consultants (CATC) conhuntamente cu docentenan di e ‘Financieel Economische Faculteit’ (FEF) di Universidad di Aruba (UA) ta scohe un ganador for di e scriptienan cu ta wordo entrega. Pa 2014-2015 e premio a bai pa Jessleen Cortés.

Cu su scriptie ‘The Aruban Population’s Media Consumption: A Quantitative Research’, Sra. Cortés a sali como e ganadora final di e premio prestigioso CATC, na balor di Awg. 1.000,00. Jessleen su encuesta tawata basa ariba e consumo di diferente tipo di media na Aruba. Media como corant, radio, television, revista local, borchinan di propaganda, social media etc. E resultadonan di su scriptie tawata hopi informativo y util pasobra e ta duna guia pa determina e tipo di media cu lo por ta mas efectivo pa promove producto of servicio na cierto grupo di Aruba.

Pa wordo considera pa e premio CATC, e afstudeeropdracht of scriptie mester a haya un 8 como cifra minimo como reconocimiento final. E aña aki tawata tin basta competencia pa e consideracion di e Premio CATC. Di e cinco candidata nan: Chiu Chin, Leanne Geerman, Jennefer Dirks, Manfen Xie y Michelline Kelly, Jesslees a wordo escohi. Un team di docentenan di FEF y specialistanan di CATC a revisa e scriptienan y a dicide riba e ganador final.

E evento, organisa door di e Office of Student Affairs (OSA), a tuma luga riba 23 di september na Universidad di Aruba. Representante di CATC y alumni di UA, Roxanne van Dinter a entrega e premio prestigioso na Sra. Cortés riba e anochi. E anochi ‘Best Thesis Award’ ta celebra e esfuerzo di tur e facultadnan na UA; FEF, FHTMS, FAS y FdR di a completa nan scriptie. CATC kier a duna pabien na tur e ganador nan y esnan cu a wordo nomina.

CATC ta duna oportunidad na studiantenan di FEF pa core stage y pa haci nan scriptie. Cierto di nan ta haya e oportunidad di traha na e prestigioso compania despues di nan estudio pa haci uso di nan conocimiento den practica.

Caribbean Accounting & Tax Consultants N.V. a wordo forma na 1994 y actualmente tin un total di 38 empleado na Aruba. CATC ta duna comerciante conseho como experto riba tereno di administracion, impuesto, payroll, situacionnan fiscal-huridico economico den tur ramo di trabou.


Cu esaki CATC kier a felicita Jessleen atrobe pa un super trabao y ta desea Sra. Cortés hopi exito den su carera.

- FIN -

Por tuma contacto cu:

Maggy Hazel
Marketing & Communications Coordinator

J.E. Irausquin Boulevard 20-A,
Oranjestad

Phone (+297) 527 5500  (+297) 527 5500
Fax (+297) 527 5555

Attached image:

Entrega di premio CATC pa Jessleen Cortés door di Roxanne van Dinter di CATC y Carolien Gaarhuis, docente na UA.